



Նոր ՃՐԱԳ

Դ.Տարի : Թիւ 1

Եռամսեայ թերթիկ
Յունուար 2018

Հրատարակութեամբ
Հ.Ս.Ը.Մ. Ալմէլօ Մեկուսի շրջանի վարչութիւն



«ՄԱՐԶԻԿ»Ի ԽՄԲԱԳՐԱԿԱՆՆԵՐ Թիւ 405
ՅԱՂԹԱՆԱԿԻ ՄՈԼՈՒԹԻՒՆԸ



Վնասաբեր մոլորթիններու մասին շատ խօսուած է: Ծանօթ եւ ընդհանրացած մոլորթիններ են ծխախոտի, խմիչքի, բախտախաղի եւ գրաւախաղի մոլորթինները: Յաղթանակի մոլորթինը սակայն նորութիւն է, իբրեւ երեւոյթ եւ վտանգ:

Վտանգը կու գայ արդի մարգախաղերու պարզած իրավիճակէն: Մինչեւ մեր մօտիկ անցեալը մարգախաղերը կը ծառայէին առողջ մարմնի մէջ առողջ միտք կերտելու աշխատանքին, սակայն արհեստավարժութեան եւ առեւտրական մրցակցութեան զարգացումով, նաեւ՝ քարոզչութեան եւ ընկերային ցանցերու գերիշխանութեան հաստատումով, այսօր անոնք դիմագիծ եւ նպատակ փոխած են՝ դարձած են հսկայ ճարտարարուեստ, ուր գերակշռող մօտեցումը շահն է, նիւթականը:

Պէտք է շահիլ, շահելու համար՝ յաղթել: Ուրեմն, «Ամէն գնով պէտք է առաջնութեան տիրանալ: Ընդունելի եւ անընդունելի բոլոր ձեւերով յաղթել, որովհետեւ իւրաքանչիւր յաղթանակ կ'ապահովէ նիւթական նոր հովանաւոր, իւրաքանչիւր յաջողութիւն՝ նոր ծանուցում»: Ա՛յս է ընդհանուր տրամաբանութիւնը յաղթանակի մոլորթենէ տառապողներուն:

Այս տրամաբանութիւնը կրնայ ճիշդ ըլլալ մարզական միջազգային ակումբներու պարագային, որոնք կազմուած են շահակցական նկատառումներով, շահի ու վնասի հաշուեկշիռով: Ակումբներու բաժնետէրեր միշտ պիտի ուզեն կրկնապատկուած գերոններով տեսնել իրենց պիւտճէները: Այդ պատճառով ալ անոնք խտրութիւն պիտի չդնեն յաղթանակի հասնելու իրենց միջոցներուն մէջ: Պիտի գնեն ու ծախեն տեսակ-տեսակ մարզիկներ եւ... մրցումներ, պիտի ծախսեն անհաշիւ գումարներ՝ մարզական բարոյականութեան ամէն սկզբունք մէկդի դրած:

Այս տրամաբանութեամբ հասակ պիտի առնէ մարզական արժէքներէ պարպուած սերունդ մը, որ յաղթանակի գինովութեամբ տարուած՝ անհակակշռելի պիտի ըլլայ դաշտերէ ներս թէ դուրս: Մերունդ մը, որ նուագագոյն պարտութիւնն իսկ պիտի դիմաւորէ դժգոհութեամբ, կոխով եւ... մրցակիցին հանդէպ անտեղի ոխակալութեամբ:

Այս ընդհանուր պատկերին մէջ ո՞ր է Հ.Մ.Ը.Մ.ին դերն ու տեղը:

Հ.Մ.Ը.Մ.ը կամաւոր աշխատանքի հիմքով գործող ազգային մարմնակրթական միութիւն է, որուն համար մարգախաղերը միջոց են եւ ոչ՝ նպատակ: Հ.Մ.Ը.Մ. իր գործունէութիւնը յառաջ կը տանի սկաւառական, մարզական եւ վարչական թելերով: Երեք թելերէն որեւէ մէկը նախապատուութիւն չի վայելեր, ընդհակառակն՝ Հ.Մ.Ը.Մ.ական սկաւառներ, մարզիկներ ու վարչականներ կը կազմեն մէկ ամբողջութիւն, միութենական միեւնոյն նկարագիրով, ինքնութեամբ եւ պատկանելիութեամբ, ինչ որ օտարները կը ճանչնան Հ.Մ.Ը.Մ.ականութիւն անունով:

Հ.Մ.Ը.Մ.ականութիւնը նմաններով ապրուած կեանք մըն է, դաստիարակութիւն է, միութենական կազմաւորում է:

Հ.Մ.Ը.Մ.ականութիւնը միութենական արժէքներով եւ սկզբունքներով գործելու համոզում է, կամք է:



Հ.Մ.Ը.Մ.ականութիւնը միութեան ճամբով ազգին ծառայելու հաւատք է, պատրաստակամութիւն է:

Առանց այս բոլորին ի՞նչ Հ.Մ.Ը.Մ.ականութիւն, ի՞նչ յաղթանակ

Հ.Մ.Ը.Մ.ականութիւնը կը թելադրէ, որ մեր մատղաշ տղոց մարզական կուրքերը ըլլան միութենական կենսագրութեամբ հարուստ դէմքեր եւ ոչ թէ նիւթական վարձատրութեամբ հարուստ մարզիկներ, որոնք միութեան շապիկը կրելէ անդին՝ միութենական ոչ մէկ արժէք կը կրեն իրենց երակներուն մէջ:

Ընդունինք, որ մարզական յաղթանակներու ձեռք բերումը ինքնաբերաբար չի կրնար ըլլալ: Որեւէ յաղթանակ կը պահանջէ երեք նախապայման ենթակառոյց, նիւթական եւ մարդուծ: Հ.Մ.Ը.Մ.ի նման միութիւններ ունի՞ն, կրնա՞ն ունենալ անհրաժեշտ այն ենթակառոյցը, որոնք անպարտելի կրնան պահել զիրենք (արդիական դաշտեր, նորագոյն սարքաւորումներ, մասնագիտական գրասենեակներ...): Անշուշտ, պէտք է ձգտիլ այդ բոլորը ունենալու, սակայն իրապաշտութիւնը կը թելադրէ նկատի ունենալ սեփական կարելիութիւններն ու կարողութիւնները եւ ըստ այնմ որոշել ակնկալութիւններու չափն ու սահմանը:

Հ.Մ.Ը.Մ.ի նման միութիւններ ի վիճակի՞ են տարեկան հսկայական գումարներ յատկացնելու որոշ մարզախաղերու՝ այլ մարզախաղեր անտեսելու գնով: Միութիւնը առեստրական հաստատութիւն չէ, որ նիւթականի անվերջ հոսք ունենայ: Այլ հարց, որ իբրեւ սկզբունք, արդա՞ր է 15-20 մարզիկի համար ծախսել միութեան մը մնացեալ բոլոր անդամներուն համար ծախսուած գումարին տասնապատիկը կամ քսանապատիկը:

Իսկ մարդո՞ւմ. սիրողական սկզբունքներով գործող միութիւն մը ի՞նչպէս կրնայ չափուիլ մեր օրերու ամենէն արհեստավարժ մարզիկներով օժտուած խումբերուն դէմ: Իսկ ինչո՞ւ չափուիլ, երբ միութեան կանոնագիրով ճշդուած նպատակը մասնակ-ցութիւնն է եւ այդ ճամբով՝ սերունդ համախմբելը, կրթելն ու դաստիարակելը, հայր հա՛յ պահելը: Արհեստավարժներու դէմ կրնան դնել արհեստավարժները միայն, ի հեճուկս պահեստի նստարաններուն վրայ նստող կրտսերներուն, որոնք տարիքային խումբերու մէջ իրենց տարիները մաշեցնելէ ետք՝ կարգ կը սպասեն միութեան շապիկը կրելու համար:

Մրցակցութիւնը լաւ բան է, յաղթանակի ձգտիլը՝ աւելի լաւ, սակայն «յօնք շինելու տեղ աչք պէտք չէ հանել»:

Յաղթանակի մոլութիւնը «ա՛յք կը հանէ», մարզասէրները կը կուրցնէ եւ հաւաքականութիւնները կ'առաջնորդէ նիւթաբարոյական սնանկութեան՝ Հո՛ն, ուր իբրեւ միութիւն երբեք պիտի չուզէինք հասնիլ ո՛չ այսօր, ո՛չ ալ վաղը:





Սրահի ոսնագնդակի Ա խումբը



Միութեանս սրահի ոսնագնդակի Ա խումբի (K.N.V.B.) ԹԻԻԵՆԹԱ շրջանի 2017-18 թ. (Գ.կարգ)ի մրցաշարին եռամսեայ մրցումներու արդիւնքներն հետեւեալն էին. -

-13 Հոկտեմբեր 2017թ
Հոլանտական BENTELO
քաղաքի մէջ Bentelo 1 խումբին
դէմ . մրցումը աւարտուեցաւ 4-4:

-20 Հոկտեմբեր 2017թ
Հոլանտական ENSCHEDE
քաղաքի մէջ SPARTA E.3
խումբին դէմ . մրցումը
աւարտուեցաւ միութեանս
խումբի յաղթանակով 10-6:

-25 Հոկտեմբեր 2017թ
Հոլանտական DEURNINGEN
քաղաքի մէջ DSVD 1 խումբին
դէմ . մրցումը աւարտուեցաւ
միութեանս խումբի
յաղթանակով 3-2:

-30 Հոկտեմբեր 2017թ
Հոլանտական ALMELO քաղաքի
մէջ SPARTA E.3 խումբին դէմ .
մրցումը աւարտուեցաւ
միութեանս խումբի
պարտութեամբ 9-11:

-24 Նոյեմբեր 2017թ
Հոլանտական OLDENZAL
քաղաքի մէջ Jong Eagles Markt
193 խումբին դէմ . մրցումը
աւարտուեցաւ միութեանս
խումբի յաղթանակով 5-2:

-15 Դեկտեմբեր 2017թ
Հոլանտական ALMELO քաղաքի մէջ EZV 4 խումբին դէմ . մրցումը աւարտուեցաւ
միութեանս խումբի յաղթանակով 9-5:

 Homenetmen Almelo 1 Zaal Algemeen – heren 3e klasse 										
PROGRAMMA UITSLAGEN STAND TEAM STATISTIEKEN										
1		Homenet...Almelo 1	5	4	1	0	13	+18	32	14
2		Excelsior '31 5	5	4	1	0	13	+14	35	21
3		DSVD 1	5	4	0	1	12	+18	32	14
4		Bentelo 1	4	2	1	1	7	+6	20	14
5		Almelo F...binatie 11	6	2	1	3	7	+2	25	23
6		De Tegenpartij 1	4	2	0	2	6	0	19	19
7		Sparta E. 3	4	2	0	2	6	-2	26	28
8		EBZV '85 1	3	1	0	2	3	0	14	14
9		De Lutte / Plexat 1	4	1	0	3	3	-1	25	26

Ն.Ս.Օ.Տ.Տ. Արամ Ա. ԿԱԹՈՂԻԿՈՍԸ ԿՐՆԴՈՒՆԻ
Հ.Մ.Ը.Մ.-Ի ԿԵԴՐՈՆԱԿԱՆ ՎԱՐՉՈՒԹԻՒՆԸ

Շաբաթ, 11 Նոյեմբեր 2017-ի առաւօտուն, Ն.Ս.Օ.Տ.Տ. Արամ Ա. Վեհափառ Հայրապետը իր գրասենեակին մէջ ընդունեց Հ.Մ.Ը.Մ.-ի Կեդրոնական վարչութիւնը՝ գլխաւորութեամբ վարչութեան ատենապետ տիար Գառնիկ Մկրտիչեանին: Կեդրոնական վարչութիւնը եկած էր շնորհակալութիւն յայտնելու Մեծի Տանն Կիլիկիոյ Կաթողիկոսութեան ցուցաբերած երկարամեայ աջակցութեան ու վստահութեան, ինչպէս նաեւ զեկուցելու Հ.Մ.Ը.Մ.-ի 100-ամեակին առնչուած յառաջիկայ ծրագիրներուն մասին՝ խնդրելով Վեհափառ Հայրապետին օրհնութիւնն ու հովանաւորութիւնը:

Նորին Սրբութիւնը բարձր գնահատեց աւելի քան մէկ դարեայ գործունէութիւն ծաւալած միութեան երթը՝ շեշտելով, որ Հ.Մ.Ը.Մ. ոչ միայն մարմնակրթական միութիւն մըն է, այլեւ սփիւռքեան իրականութեան մէջ հայկական ինքնութիւնը ամրապնդող տարածք:

Աւարտին Հ.Մ.Ը.Մ.-ի կեդրոնական վարչութիւնը Նորին Սրբութեան յանձնեց Համա-Հ.Մ.Ը.Մ.-ական 10-րդ մարզախաղերուն յուշանուէրը:



ՀԱՂՈՐԴԱԳՐՈՒԹԻՒՆ

Հինգշաբթի, 16 Նոյեմբեր 2017-ին, ՀՄԸՄ-ի հիմնադրութեան 99-րդ տարեդարձին օրը, տեղի ունեցաւ ՀՄԸՄ-ի Կեդրոնական Վարչութեան եւ միութեան 100-ամեակի կեդրոնական Մարմնին խառն նիստը, որ ամփսներու քննարկումներէ ետք վերջնականացուց 2018 տարուան ընթացքին տեղի ունենալիք յոբելեանական կեդրոնական ձեռնարկներուն շարքը:



Նիստին ընթացքին որոշուեցաւ, որ 19-29 Յուլիս 2018 երկարող օրերը հռչակուի ՀՄԸՄ-ի շաբաթ եւ այս առիթով Հայաստանի մէջ իրագործուին հետեւեալ ձեռնարկները. - Համա-ՀՄԸՄական 11-րդ ընդհանուր բանակումի բացման հանդիսաւոր տոդանցք Երեւանի մէջ, ՀՄԸՄ-ի հիմնադիր երրորդութեան բարձրաքանդակներու զետեղում ՀՄԸՄ-ՀԱՄԿ-ի Երեւանի կեդրոնին մուտքին, նահատակ ՀՄԸՄականներու յարգանքի տուրք Եռաբլուրի մէջ եւ մահացած ՀՄԸՄականներու հոգեհանգստեան պաշտօն, Վահան Չերազի արձանի կառուցում եւ զետեղում Կիւմրիի մէջ, պաշտօնական հանդիսութիւն Օփերայի սրահին մէջ, ցուցահանդէս-գիտաժողով, 100-ամեակի նամականիշներու շնորհահանդէս եւ 100-ամեակի ճաշկերոյթ-պարահանդէս:

ՀՄԸՄ-ի Կեդրոնական Վարչութեան եւ միութեան 100-ամեակի կեդրոնական Մարմնին խառն նիստը քննեց նաեւ այս առիթով յառաջացուած հինգ յանձնախումբերուն (քարոզչական, տնտեսական, ընկերային, գիտաժողովի, գործադիր) աշխատանքի ընդհանուր ուղղութիւնները եւ համապատասխան թելադրանքներ կատարեց յանձնախումբերու մօտ իր ներկայացուցիչներուն, որպէսզի 100-ամեակի տարուան առաջին օրէն անոնք աշխատանքի լծուին յոբելեանական տարին համահայկական շուրջով եւ համա-ՀՄԸՄական տարողութեամբ նշելու համար:

ՀՄԸՄ-Ի ԿԵԴՐՈՆԱԿԱՆ ՎԱՐՉՈՒԹԻՒՆ



Յարգելի Յակոբ Եղբայրներ՝
Մ Յակոբի անուանակոչութեան Տօնին առթիւ,
Միութեան Վարչութեան եւ Անդամներու ջերմ ողջոյններով
կ'շնորհաւորենք բոլոր Յակոբ Եղբայրներուն
մաղթելով առողջութիւն, երջանկութիւն եւ
առաջընթաց յաջողութիւններ: Ձեր անունով պարեք:
Հ.Մ.Ը.Մ. Այսպէս Մեկուսի Շոցան:

Հ.Մ.Ը.Մ.-Ի ԿԵԴՐՈՆԱԿԱՆ ՎԱՐՉՈՒԹԵԱՆ Գ. ԼԻԱԳՈՒՄԱՐԻ ՀԱՂՈՐԴԱԳՐՈՒԹԻՒՆ



Հ.Մ.Ը.Մ.-ի Կեդրոնական վարչությունը իր քառամեայ նստաշրջանի (2015-2019) Գ. լիազումար նիստերը գումարեց 2էն 4 Դեկտեմբեր 2017ին, Երեւանի մէջ: Լիազումարը կեդրոնացաւ միութեան 100ամեակի կեդրոնական ձեռնարկներու մանրամասնութիւններուն վրայ, որոնք տեղի պիտի ունենան 19էն 29 Յուլիս 2018ին, Երեւանի մէջ, Հայաստան: Ուրախութեամբ անդրադարձաւ, որ միութեան 100ամեակի տօնակատարութեան կեդրոնական ձեռնարկի նախագահութիւնը ստանձնած է Հայաստանի Հանրապետութեան նախագահ Տիար Սերժ Սարգսեան, իսկ հովանաւորութիւնը՝ ՆՍՕՏՏ Գարեգին Բ. Ամենայն հայոց կաթողիկոսն ու ՆՍՕՏՏ Արամ Ա. կաթողիկոս Մեծի Տանն Կիլիկիոյ: Մոյն ձեռնարկներուն համար արդէն իսկ յառաջացած են անհրաժեշտ յանձնախումբեր, որոնք իւրաքանչիւրը իրենց ծիրին մէջ արդէն իսկ աշխատանքի լծուած են ու ծրագիրները կազմած՝ օժանդակելու 100ամեակի աշխատանքներու կազմակերպման ու գործադրութեան:

Միութեան 100ամեակի ծրագիրներն են.-

- Երեք յիշարժան վայրերէ փոխադրուած ջահերով ջահավառում Ծիծեռնակաբերդի մէջ, ապա՝ ծառատնկում:
- Դրօշակի բացման արարողութիւն Ծիծեռնակաբերդի մէջ:
- Միութեան 100ամեակին նուիրուած՝ Համա-Հ.Մ.Ը.Մ.ական 11րդ բանակում:
- Եռաբլուր այցելութիւն եւ ննջեցեալ Հ.Մ.Ը.Մ.ականներու հոգեհանգիստ:
- Միութեան հիմնադիրներու քանդակներու բացում:
- Համա-Հ.Մ.Ը.Մ.ական 11րդ բանակումի մասնակիցներուն կողմէ պաշտօնական տողանցք «Հանրապետութեան» հրապարակը:
- Գիտաժողով:
- Ցուցահանդէս:
- «Վահան Չերազ»ի արձանի բացում Գիւմրիի մէջ:
- Նախկին խմբապետներու համախմբում:
- Պաշտօնական հանդիսութիւն Օփերայի մէջ:
- Միութեան թանգարանի յուշամատեանի հրատարակութիւն:
- Յաղթանակի ճաշկերոյթ:

Միութեան 100ամեակի զանազան բնոյթով տօնակատարութիւններ պիտի կատարուին նաեւ Հ.Մ.Ը.Մ.ի Շրջանային եւ Մեկուսի շրջաններուն մէջ, 2018 տարուան ընթացքին, իսկ գլխաւոր ձեռնարկները՝ Նոյեմբեր 2018ին: Որոշ շրջաններ արդէն իսկ սկսած են այս ուղղութեամբ ծրագիրներ մշակել:

Լիազումարը քննարկեց ու արծարծեց Համա-Հ.Մ.Ը.Մ.ական 11րդ բանակումի մանրամասնութիւնները: Բանակումը տեղի պիտի ունենայ 19էն 28 Յուլիս 2018ին, Բիւրականի մէջ, Հայաստան: Բանակումը նուիրուած է միութեան եւ Հայաստանի Ա. Հանրապետութեան 100ամեակներուն ու կը նախատեսուի 1000 եւ ավելի տարազաւորներու մասնակցութիւն: Կեդրոնական Վարչութիւնը քննարկեց նաեւ Բիւրականի բանակավայրին մէջ իրագործելի շինարարութիւններու պարագան՝ աննախընթաց մեծ թիւով մասնակիցներու հիւրընկալութեան համար:

Լիազումարը անդրադարձաւ նաեւ շրջաններուն առնչուող մանրամասնութիւններուն ու անհրաժեշտ որոշումներ կայացուց այդ ուղղութեամբ: Ուրախութեամբ անդրադարձաւ կարելիութիւններուն՝ հիմնադրելու նոր մասնաճիւղեր ու միաւորներ, որոնք

պիտի իրագործուին 2018 տարւոյն ընթացքին:

Լիազումարը անդրադարձաւ նաեւ շրջաններուն առնչուող մանրամասնութիւններուն ու անհրաժեշտ որոշումներ կայացուց այդ ուղղութեամբ: Ուրախութեամբ անդրադարձաւ կարելիութիւններուն՝ հիմնադրելու նոր մասնաճիւղեր ու միաւորներ, որոնք պիտի իրագործուին 2018 տարւոյն ընթացքին:



Լիազումարը մանրամասնօրէն քննարկեց միութեան 100ամեակին նուիրուած՝ Յուլիս 2017ին կայացած Համա-Հ.Մ.Ը.Մ.ական 10րդ մարզախաղերը, որոնց մասնակցեցան 1250 մարզիկներ ու պատասխանատուներ: Կեդրոնական Վարչութիւնը հաստատեց, որ հայկական իրականութեան ու պատմութեան մէջ ոսկեայ տառերով արձանագրելի է կատարուած իրագործումը՝ թէ՛ կազմակերպական, եւ թէ՛ մասնակցութեան իմաստով: Քննարկուեցաւ մարզական պատասխանատուներու յատուկ համագումարի կայացման առաջարկը, որ՝ իբրեւ անհրաժեշտութիւն, պիտի փոխանցուի յառաջիկայ Կեդրոնական Վարչութեան:

Լիազումարը քննարկեց ու վաւերացուց միութեան պատմութեան մէջ առաջին անգամ ըլլալով գումարուելիք «Երիտասարդական համագումար»ը, որ ծրագրուած է կայացնել Մարտ 2019ին: Սոյն համագումարը կը միտի ունկնդրել միութեան շարքերուն մէջ գործած ու գործող երիտասարդներուն, քննարկել ապագային նոր ծրագիրներ ու առիթ տալ, որ ոչ տարազաւոր ու ոչ մարզիկ երիտասարդները իրենց ներդրումը ունենան միութեան ծրագիրներուն ու աշխատանքներուն մէջ:

Լիազումարը ծանրացաւ անձեռնմխելի հիմնադրամ մը ստեղծելու կարելիութիւններուն վրայ: Առաջարկը խորապէս քննարկելէ ու անոր զանազան կարելիութիւնները ստուգելէ ետք, որոշուեցաւ միութեան 100ամեակին առիթով ստեղծել Հ.Մ.Ը.Մ.ի անձեռնմխելի հիմնադրամը (Endowment fund), Միացեալ Նահանգներու մէջ:

Լիազումարը ուրախութեամբ անդրադարձաւ միութեան նոր կայքին (www.homenetmen.org) աշխատանքներուն, ինչպէս նաեւ անոր թարգմանական բաժիններուն: Արհեստագիտական Տեղեկատուութեանց նորութիւններուն հետ քայլ պահելու առաջարկներ ու ծրագիրներ վաւերացնելով, Կեդրոնական Վարչութիւնը նոր թափ պիտի տայ խիստ անհրաժեշտ յառաջիադացքներուն: Շեշտը դրուեցաւ ընկերային ցանցերու միջոցով Հ.Մ.Ը.Մ.ի գործունէութիւնը ծանօթացնելու աշխատանքի արդիւնաւետութեան ու զայն շարունակելու կարեւորութեան վրայ:



Կեդրոնական Վարչութիւնը գնահատանքով անդրադարձաւ «Մարզիկ» պաշտօնաթերթի աշխատանքներուն, ինչպէս նաեւ անոր առցանց տեղադրած լուրերուն ստեղծած հետաքրքրութեան: Քննարկուեցան պաշտօնաթերթին դիմագրաւած դժուարութիւնները, ինչպէս նաեւ արդիականացման կարելիութիւնները:

Լիազումարը քննարկեց մօտիկ ապագային իրագործելի Հ.Մ.Ը.Մ.ական իրերու առցանց վաճառքի (online shop) մանրամասնութիւնները ու վաւերացուց զանոնք:

Իր լիազումարին ժամանակ, Կեդրոնական Վարչութիւնը ներկայ գտնուեցաւ նաեւ Հ.Մ.Ը.Մ.-Հ.Ա.Ս.Կ.ի Վարչութեան կազմակերպած 300 նորագիրներու երդման արարողութեան, որ կու գայ աւելի եւս հարստացնելու եւ ամրապնդելու Հ.Մ.Ը.Մ.ի աշխատանքները Հայաստանի մէջ:

Աւարտին, Կեդրոնական Վարչութիւնը որոշեց կոչ ուղղել միութեան շարքերուն ու համակիրներուն, որ կուտ շարքերով 19էն 29 Յուլիս 2018ին ներկայ գտնուին Հայաստան, արժանավայել կերպով տօնակատարելու մէկ դարեայ միութեան ամեակը:

«ՊԱՏՈՒԱԲԵՐ ԱՆՑԵԱԼԷՆ՝ ՅԱՂԹԱԿԱՆ ԱՊԱԳԱՅ»

Երեւան, 9 Դեկտեմբեր 2017

Հ.Մ.Ը.Մ.Ի ԿԵԴՐՈՆԱԿԱՆ ՎԱՐՉՈՒԹԻՒՆ

ՅԱՐԳԵԼԻՔ ԶՈՅՐԵՐ, ԵՂԱՅՐՆԵՐ ԵՒ ՀԱՅՐԵՆԱԿԻՑՆԵՐ,

ՆՈՐ ՏԱՐՈՒԿ ԵՒ ՍՈՒՐԲ ԾՆՆԴԵԱՆ ՏՕՆԵՐՈՒ ԱՌԹԻ Հ.Մ.Ը.Մ. ԱԼՄԵԼՕ ՄԵԿՈՒՄԻ ՇՐՋԱՆԻ ՎԱՐՉՈՒԹԻՒՆ ԻՐ ՁԵՐՄ ՈՐՁՈՅՆՆԵՐՈՎ ՇՆՈՐՀԱԴՈՐԱՆՔԻ ԽՕՍԵՐԸ ԿՈՒՂԷ ՁԵՐ ԲՈԼՈՐԻՆ, ՄԱՂԵԼՈՎ ԶԱԶԱՌՈՐՁՈՒԹԻՒՆ, ԱՐԵՒՇԱՏՈՒԹԻՒՆ ԵՒ ԲԵՂՈՒՆ ՏԱՐԻ:

ԿԸ ՓԱՓԱՔԻՆԶ 2018 Թ. Ը. ԸԼԼԱՅ ՀԱՄԱԾԽԱՐՀԱՅԻՆ ԽԱՂԱՂՈՒԹԵԱՆ ԵՒ ԱԲԵՏԱԲԵՐ ՏԱՐԻ ՄԸ:

ԹՈՂ ԵԱՐԿԻՆ ԵՒ ԲԱՐԳԱԲԱՃՈՒՆ ՀԱՅԱՍՏԱՆԻ, ԱՐՑԱՆԻ ԵՒ ՍՓԻՐՈՔԻ ՀԱՄԱՅՆ ՀԱՅՈՒԹԻՒՆԸ:

Հ.Մ.Ը.Մ. ԱԼՄԵԼՕ ՄԵԿՈՒՄԻ ՇՐՋԱՆԻ ՎԱՐՉՈՒԹԻՒՆ

*Gelukkig Nieuwjaar
& Zalig Kerstfeest*

Homenetmen Almelo

Հ.Մ.Ը.Մ. ԱՌՆՀԵՄ ի Մեկուսի Շրջանի Անդամական Ա.Ընդհանուր ժողով.

Սիրելի քույրեր եւ եղբայրներ:

26 ՆՈՅԵՄԲԵՐ 2017թ.ժամը 14:30 ին եւ ներկայութեամբ
ՀՄԸՄ Կեդրոնական Վարչութեան կողմէ լիազորուած
երկայացուցիչ Եղբ.Ազատ Պօղոսեանը, տեղի ունեցավ Հ.Մ.Ը.Մ.
ԱՌՆՀԵՄ ի Մեկուսի Շրջանի Անդամական Ա.Ընդհանուր ժողով.
Եղբ.Լիպարիտ Սիմոնեանը որը լիազորուած էր վարչութեան
երկամեայ տեղեկագիրը ընթեցելու եւ պատասխանելու առաջացած
հարցումներուն, ընթերցեց իր ատենագրութիւնը որուն բովանդակութիւնը կը
պարունակէ բոլոր նիւթերը (կազմակերպական, միութեան հիմնադրութիւն,
հակիրճ,վարչական պաշտոնական բաղադրիչներ, մարզական եւ սկաուտական
բաժնի բացատրութիւններ) . հիմնադրութիւնէն 13 ՆՈՅԵՄԲԵՐ 2015թ-էն մինչեւ
26 ՆՈՅԵՄԲԵՐ 2017թ.-ին.



Եղբ.Բաֆֆի Փոլոյեանը զեկուցեց նիւթական իրավիճակը մանրամասօրէն:
Մթնոլորտը դրական էր ելնելով այդ հանգամանքէն որ ժողովականները իրենց
ներդրումը բերելով մասնակցեցան քննարկումներուն ,արտահայտուելով,
առաջարկներ դիմելով....եւ.

Եւ ի վերջոյ եւ ըստ կանոնագրին ընդհանուր ժողովը նոր վարչութիւն
ընտրեց , եւ մնայուն դիվանի ներկայութեամբ ընտրուեցավ նորնտիր
վարչութեան դիվանը .

նորնտիր վարչութիւնը կը բաղկանայ:

Եղբ.Լիպարիտ Սիմոնեան Ատենապետ

Եղբ.Մկրտիչ Ամրոեան Ատենադպիր

Քույր Նայրի Ասլանեան Գանձապահ

Եղբ.Բաֆֆի Փոլոյեան

Եղբ.Յարութ Մանուկեան



Միեկի քույրեր եւ եղբայրներ, ահավասիկ Հ.Մ.Ը.Մ. ԱՌՆՀԵՄ ի Մեկուսի Շրջանը անցկացրուց իր առաջի ընդհանուր ժողովը, կարեւոր է ըսել որ հետքորթական էր ժողովականներու արտահայտութիւնները ըլլայ բարոյական կամ նիւթական հարցերու շուրջ:

Այսու, միութեանս քույր եւ եղբայր անդամ-ուիիներ, Նորնտիք վարչութիւնը իր գործնութիւնը շարունակելով, հույսով է պիտի կարողանայ հաջորդ երկու տարիներու ընթացքին բարելավել իրականացուած գործնութիւնը եւ առավել նորանոր դրական բաղադրիչներ գործածել, չմոռանալով որ միութեան անդամներու օժանդակութեան բաղադրիչը կարեւորագոյնն է միութեան առաջադիմութեան.



Եղբայրական Յարգանքներով
Հ.Մ.Ը.Մ. ԱՌՆՀԵՄ ի Մեկուսի Շրջանի Վարչութիւն





Քայլերդ Դէպի 100 Ամեակ



Հ.Մ.Ը.Մ. ի Կեդրոնական վարչութեան Հովանաւորութեամբ, Ալմելո-ի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեանի հոգեւորութեամբ, Հ.Մ.Ը.Մ. Ալմելո Մեկուսի Շրջանի կազմակերպութեամբ եւ Արամ Մանուկեան Կոմիտէի, Ալմելոի Ս.Գ.Լ.Եկեղեցւոյ Վարչութեան ներկայացուցիչներու, Հ.Մ.Ը.Մ. (Առնհեմ եւ Ալքմար) Մեկուսի Շրջաններու, Հոլանտայի Հ.Բ.Ը.Մ.ան, Կիլիկիոյ եւ Նոր Կեանքի միութիւններու մարզիկներու եւ ներկայացուցիչներու մասնակցութեամբ. Շաբաթ 25 Նոյեմբեր 2017թ. ժամը 10:00ին Ալմելո քաղաքին մէջ **Գայլերդ դէպի 100 Ամեակ ի նշանաբանով** (Sporthal Schelfhorst) մարզադաշտէն ներս տեղի ունեցաւ Հ.Մ.Ը.Մ. Ալմելո Մեկուսի Շրջանի 21-րդ մարզահանդէսը:



Ուրբաթ 24 Նոյեմբեր .2017 թ. մարզահանդէսի առաջին օրը տեղի ունեցաւ սեղանի թէինիսի եւ բաղմինտոնի մրցումները : Սեղանի թէինիսի մրցաշարերուն մասնակցեցան Հոդոֆենի Նոր Կեանք Միութիւն, Հ.Բ.Ը.Մ. եւ Հ.Մ.Ը.Մ. Ալմելոի մարզիկները իսկ բաղմինտոնի մրցաշարերուն Հ.Բ.Ը.Մ., Հ.Մ.Ը.Մ. Առնհեմ-ի եւ Հ.Մ.Ը.Մ. Ալմելո ի մարզիկները:





Քայլերդ Դէպի 100 Ամեակ



Օրուայ մրցումները աւարտուեցաւ հետեւեալ արդիւնքներով

-Սեղանի Թէնիս

Եղբ. Վահանեան (Հոդոֆէն.Նոր Կեանք Միութիւն) առաջին բաժակը արժանացաւ իսկ

Եղբ. Ազատ Պօղոսեան (Հ.Մ.Ը.Մ. Ալմելօ) երկրորդ բաժակը .

-Բադմինտոն .

Եղբ. Արա Ասլանեան (Հ.Մ.Ը.Մ. Առնիկ) առաջին բաժակը արժանացաւ իսկ Եղբ.

Գարիօ Մուշեղեան (Հ.Մ.Ը.Մ. Ալմելօ)երկրորդ բաժակը.





Քայլերդ Դէպի 100 Ամեակ



Շաբաթ 25 Նոյեմբեր 2017թ. Մարգահանդէսի սկզբին հրաւիրուեցան բոլոր ներկաները մէկ վայրկեան ոտնկայ յարգանքի տուրք պարգեւելու բոլոր Հայ բանակի եւ Հ.Մ.Ը.Մ.ական նահատակներուն ապա Ալմելօ-ի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեանի եւ ներկաներու մասնակցութեան Տէրունական աղօթքով յայտարարուեցաւ բացումը Հ.Մ.Ը.Մ. Ալմելօ մեկուսի Շրջանի 21-րդ մարզական եւ սկաուտական մարգահանդէսը :



Ըստ օրուայ յայտագրին Հ.Մ.Ը.Մ. Ալմելօ-ի սկաուտական բոլոր խումբերը շքեղ տողանցքով մուտք ունեցան մարգադաշտը ուր դաշտին մէջ կեդրոնանալէ ետք տեղի ունեցաւ դրօշակներու արարողութիւնները . հոն բարձրացուեցաւ Նեղոյանդական Թագաւորութեան , Հայաստանի Հանրապետութեան եւ Հ.Մ.Ը.Մ.ի դրօշակները:





Քայլերդ Դէպի 100 Ամեակ



Դրօշակի արարողություններ էտք Միութեանս ատենապետ (Եդր. Սարգիս Տէր Ղազարեան) բարի գալուստ մաղթել էտք ներկաներուն. պատկերացուց միութեանս վարչութեան տեսլական եւ գործնական պատմական ապա ապագայի ռազմավարական ծրագիրները նշելով(5 Շաբաթ, մեզ կ'բաժանէ 2017թ.ի տարեվերջ շրջանին. Նա կը նշանակէ ընդհանրապէս միութեանս Հ.Մ.Ը.Մ. մեծ ընտանիքի հիմնադրութեան 99 ամեակի եւ մասնաւորապէս Հ.Մ.Ը.Մ. Ալմելօի 21-րդ հիմնադրութեան տարելիցերու զուգահեռաբար աւարտներուն: Վստահաբար թիրին պիտի ըլլար այդ 7 տարերէ



բաղկացած բառի մը արտասանելը , նրա խոր իմաստով , ապրումով եւ մարտահրաւէր պայքարներով բայց հիմնականօրէն պիտի շօշափենք անձնանուիրական զոհողութեան եւ տիպար պարտաւորութեան ոգիները):Ապա շարունակեց ((Հ.Մ.Ը.Մ.ական ըլլալը դիրին է, բայց իբր Հ.Մ.Ը.Մ.ական ապրիլը դժուար է) հիման կարգախօսին ,մեր պատմութեան տարբեր ժամանակահատուածներուն միշտ ունեցած ենք անդամներ եւ նրանց կողքին համակիր գործօն անձնաւորութիւններ. որոնք համաշխարհային կամ տեղային տագնապ ճգնաժամերուն, միութեանս ինքնութեան եւ զարգացման կապակցութեան աշխատանքներուն . կարողացան իրենց պատրաստկամութիւնները ապացուցել եւ նրանք շարունակ ապրած են իբր Հ.Մ.Ը.Մ.ականներ :





Քայլերդ Դէպի 100 Ամեակ



Տարիներ շարունակ միութեանս յանձնարարութիւնները յաջորդականութեամբ փոխանցուած է սերունդէ սերունդ , միութեանս զարգացման եւ գոյատեւման առումներով. եւ միշտ երիտասարդական ուժերու ներկայութիւնները հնարաւոր եղած էն:



Այսօր եւս այս մարզադաշտէն ներս երիտասարդութիւնով համախմբուած եւս կը շեշտենք նման երիտասարդութեան ուժերու ներդրումը ընդհանրապէս Հոլանտական հայկական գործօն կազմակերպութիւններէ եւ ի մասնաւորապէս Հ.Մ.Ը.Մ. Ալմելօ Էն ներս : Միրելի երիտասարդներ դուք էք այսօրուայ մեր ուժը եւ վաղուայ ապագայ ղեկավար տարերը եւ դուք էք որ պիտի կարողանաք շարունակել միութեանս բարձրացիր , բարձրացուր նշանաբանը:)



Ատենապետի խօսքի աւարտին , Ալմելօ-ի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեան իր հայրապետական խօսքը ուղղեց ներկաներուն նշելով(Հ.Մ.Ը.Մ. Ալմելօ Հոլանտահայ գաղութի հայապահպանման կազմակերպութիւններէ մէկն է ուր կ'յաճախին մեծ ու փոքրը հոն մանուկը կ'ստանայ իր համագործակցութեան առաջին դասընթացքները . Միրելի մարզիկներ



Քայլերդ Դէպի 100 Ամեակ



այսօր մենք սփիւռքի մէջ իրար թեւ եւ թիկունք տալը ինքնութեան մարտահրաւիր-ներու պայքարներու հիմնական սկզբունքներէն մէկն է, եւ ապա այդ պայքարի գործ-նական աշխատանքներ կ'սկսին այստեղ էն այս դաշտէն ներս) Հոգեւոր Հովիւը աւարտեց իր խօսքը շնորհակալութեան խօսք ուղղելով կազմակերպիչներուն (Հ.Մ.Ը.Մ. Ալմելօ) եւ յաջողութիւն մաղթելով բոլորին :



Ատենաբանութիւններէ ետք տեղի ունեցաւ սկաուտական աստիճանաւորական-ներու եւ պաշտօններու բաշխումը ապա օրուայ մարզական խումբերու տողանցքը մարզադաշտէն ներս. ապա ցուցադրուեցաւ Հ.Մ.Ը.Մ. Ալմելօ-ի սկաուտներու կողմէ պատրաստուած սկաուտական շքեղ տողանցքը : Սկաուտական խաղերն մաս կազմած էին եւս մարզ-ահանդէսի յայտագրին ուր Գայլիկներու եւ Արծուիկներու հաճելի խաղերը խանդավառեց ներկաներուն:





Քայլերդ Դէպի 100 Ամեակ



Սկաուտական յայտագրի աւարտին սկսուեցաւ սրահի ոտնագնդակի մրցաշարերը. ի մասնակցութեամբ (Հ.Մ.Ը.Մ. Առնհէմի , Հ.Մ.Ը.Մ. Ալքմառի, Կիլիկիայի, Հ.Բ.Ը.Մ.ան եւ Հ.Մ.Ը.Մ. Ալմելո-ի)խումբերուն :Մրցաշարի առաջի փուլի աւարտին տեղի ունեցաւ Պասքէթպոլի մրցումը (Հ.Մ.Ը.Մ. Ալմելո ի դէմ Հ.Բ.Ը.Մ.)խումբերու միջեւ մրցումը աւարտուեցաւ Հ.Բ.Ը.Մ. խումբի յաղթանակով ուր արժանացաւ առաջնութիւնը իսկ Հ.Մ.Ը.Մ. Ալմելո-ի խումբը երկրորդութիւնը : Միեւնոյն ժամանակ տեղի ունեցաւ Վոլիբոլի աղջկանց մրցումը (Հ.Մ.Ը.Մ. Ալմելո ի դէմ Հ.Բ.Ը.Մ.)խումբերու միջեւ մրցումը աւարտուեցաւ Հ.Մ.Ը.Մ. Ալմելո-ի խումբի յաղթանակով ուր արժանացաւ առաջնութիւնը իսկ Հ.Բ.Ը.Մ. խումբի խումբը երկրորդութիւնը : Միեւնոյն ժամանակ եւս տեղի ունեցաւ սրահի ոտնագնդակի Կիլիկիոյ եւ Հ.Մ.Ը.Մ. Ալմելո-ի (փոքրիկներու + 10 տարեկան եւ – 10 տարեկան) մրցումները . ուր 10- տարեկան մրցումը աւարտուեցաւ Կիլիկիոյ խումբի յաղթանակով ուր արժանացաւ առաջնութիւնը իսկ Հ.Մ.Ը.Մ. Ալմելո-ի խումբը երկրորդութիւնը. Իսկ 10+ տարեկան մրցումը աւարտուեցաւ Հ.Մ.Ը.Մ. Ալմելո-ի խումբի յաղթանակով ուր արժանացաւ առաջնութիւնը իսկ Կիլիկիոյ խումբը երկրորդութիւնը:





Քայլերդ Դէպի 100 Ամեակ



Մրահի ոտնագնդակի երկրորդ փուլը սկսուեցաւ ընդմիջի մրցումները աւարուելէ ետք վերջնական մրցումը տեղի ունեցաւ Հ.Մ.Ը.Մ. Ալմելո-ի եւ Հ.Մ.Ը.Մ. Ալքմատ խումբերու միջեւ . մրցումը աւարտուեցաւ Հ.Մ.Ը.Մ. Ալմելո-ի խումբի յաղթանակ-ով ուր արժանացաւ առաջնութիւնը իսկ Հ.Մ.Ը.Մ. Ալքմատի խումբը երկրորդութիւնը:



Մեղալներու եւ բաժակներու բաշխումը տեղի ունեցաւ Ալմելո-ի Ս.Գրիգոր Լուսաւորիչ Եկեղեցոյ (Գալուստ Կուլբէնկեան) սրահէն ներս : Օրուայ անակնկալ հիւր ունեցանք Ռումանիայի Հայոց թեմի Առաջնորդ եւ Արեւելեան Եւրոպայի Հայրապետ-ական Պատուիրակ Տէր Տադէ Եպիսկոպոս Յակոբեան : Եպիսկոպոսը փոխանցեց ներկաներուն իր Հ.Մ.Ը.Մ.ական սկաւտական կեանքի քաղցր յիշողութիւնները , ապրումները եւ նրա ազդեցութիւնը իւրաքանչիւր անհատի





Քայլերդ Դէպի 100 Ամեակ



անձնական կառուցման վրայ: Հայրապետական խորհուրդներէ ետք սկսուեցաւ բաժակներու եւ մեդալներու պարգևորումը մարզահանդէսի մասնակցող բոլոր մարզիկներուն ապա յուշանուէրներ միութիւններու մասնակցող ներկայացուցիչներուն:

Երկօրեայ մարզահանդէսը աւարտուեցաւ խրախճանքով կեր ու խումով անհրաժեշտ է յիշել միութեանս տիկնաց, ընկերային եւ մարզական յանձնախումբերու պատրաստական գնահատելի աշխատանքները:





Քայլերդ Դէպի 100 Ամեակ



Մարզահանդէսի մասնակցողները բարձր խանդավառութեամբ աւարտեցին
2017թ.ի մարզահանդէսը :



Զմռան Պապի տօնի առթիւ՝

Հ.Մ.Ը.Մ. Ալմելո Մեկուսի Շրջանի Սկաուտական խմբապետական կազմի, միութեանս Ընկերային եւ Տիկնաց Յանձնախումբերու համագործակցութեամբ կազմակերպուեցաւ Երկուշաբթի 25 Դեկտեմբեր 2017 թ. ժամը 19:30ին Հ.Մ.Ը.Մ.Ալմելո սրահին մէջ ՊԻՆԿՕ-ի ձեռնարկ:

Օրուայ ձեռնարկին պատրաստուած էր փոքրիկներուն խրախճանքներ, Զմռան Պապի անակնկալներ. եւ Տիկնաց Յանձ. կողմէ համեղ նախաուտեստներ:





Վա՛յ վա՛յ կղզիէն . Լուրեր

Մեր կղզու եռամսեայ շրջանային գիտնականներու հետաքրքրական ժողովին քննարկուեցաւ (Մերտ եւ պատմական յարաբերութիւնները. Հայկական Առաքելական Եկեղեցոյ եւ իր հաւատացեալներու միջեւ. երէկ եւ այսօր) կարգախօսը:

Մեր կղզու գաղութի ինտերմէդիան լեզուի եւ մշակութային օտարամոլ-ուրեան ճանապարհը, նախօրոյ տարիներէ հասած է այսօր մեր Հայ Առաքելական Եկեղեցոյ դաւանանքի կրօնական տօներուն . ուր Ս.Ծննդեան տօնի առթիւ , մեր կղզու (ՄԱՍ ՄԸ) Հայ Առաքելական Եկեղեցոյ հաւատացեալները զիրար կը շնորհաւորեն 25 Դեկտեմբերին. իսկ այլ դաւանանքի կամ կրօնքի ծանօթները մեզ կը շնորհաւորեն 6 Յունուարին:

Իրօք տարօրինակ ժողովուրդ !!!!!!!!!



ԲՈՎԱՆԴԱԿՈՒԹԻՒՆ



-Մարզիկ –ի Խմբագրական թիւ 405.

ՅԱՂԹԱՆԱԿԻ ՄՈԼՈՒԹԻՒՆԸ

-Հ.Ս.Ը.Մ. Ալմելո Մեկուսի Շրջանի սրահի
ռոնագնդակի Ա.Խումբը

-Ն.Ս.Օ.Տ.Տ. Արամ Ա. Կաթողիկոսը կ'ընդունի
Հ.Ս.Ը.Մ.-ի Կեդրոնական Վարչութիւնը

-Հ.Ս.Ը.Մ. Ի Կեդրոնական Վարչութեան
(Հաղորդագրութիւն)

-Հ.Ս.Ը.Մ. Ի Կեդրոնական Վարչութեան Գ.
Լիագումարի հաղորդագրութիւն

- Հ.Ս.Ը.Մ. Առնիկա Միկուսի Շրջանի Անդամական
Ա.Ընդհանուր ժողով.

-Գայլերդ Դէպի 100 Ամեակ.

- Ձմռան Պապի տօնի առթիւ

-Վա՛յ վա՛յ կղզիէն . Լուրեր.

-Բովանդակութիւն.



Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : [Homenetmen Almelo / ՀՍԸՄ Ալմելո](#)

Առաջարկներու համար կը խնդրուի կապ հաստատել homenetmenalmelo@yahoo.nl ու վ